

## INVITAZIUN

ad en'occurrentza d'infurmaziun digl cumegn da Surses  
gievgia, igls 14 da november 2019, allas 20.00,  
an sala Grava a Savognin

Stimadas abitantas, stimos abitants  
Stimadas possessouras e stimos possessours da proprietad funsila

Alla basa dalla lescha federala davart la planisaziun digl territori on igls cumegns d'elaborar en **model directiv digl territori communal (MDC)**. Chel serva agl cumegn scu rom d'orientaziun per decisiuns relativs agl spazi ed è ena basa concepziunala per la revisiun dalla planisaziun d'utilisaziun.

Igl sboz da chel model directiv digl territori communal è ossa avant mang. Elaboro è el nia d'ena gruppa da labour tgi sa cumpona da commembers dalla suprastanza e collaboratours dall'administraziun communal, cun sustign digl biro da planisaziun Stauffer & Studach da Coira.

Avant d'instradar la procedura dall'exposiziun da cooperaziun publica, anveida la suprastanza la populaziun e las persungas cun proprietad funsila an cumegn ad ena seira d'infurmaziun per preschentar igl sboz digl MDC. I sa tracta angal d'ena infurmaziun, vot deir i na vignan pigleidas nignas decisiuns chella seira!

L'infurmaziun vign organisada scu suonda:

1. Bavagnaint ed introducziun
2. Preschentaziun digl sboz digl model directiv digl territori communal
3. Discussiun
4. Infurmaziun davart igl ulteriour proceder

### **Aveis**

All'occurrentza d'infurmaziun èn anvidos sper igls abitants e las abitantas er tot las persungas cun proprietad funsila an noss cumegn. L'infurmaziun vign manada per tudestg.

La suprastanza spera sen numerosa participaziun.

Tinizong, igls 4 da november 2019

**SUPRASTANZA COMUNALA SURSES**